

◎隋紀

高祖（姓楊名堅在周封王篡位都長安）

遣賀若弼韓擒虎伐陳，以正月朔進軍，是日要塞守軍皆醉，濟江。

(甲)平陳
統一

弼據鍾山，陳任忠迎降擒虎於石子岡，入朱雀門。陳主投胭脂井，兵以繩引之，驚重，及出，乃與張孔兩妃同束而上。

弼與擒虎爭功帝前，帝俱以爲上勳。

帝性儉多猜忌，見太子勇飾鎧及張樂受賀，不悅。晉王廣知之，矯爲儉樸，帝喜有廢立意。

(乙)骨肉
之變

廣結楊素，素常短太子，賢廣於帝后，遂立廣爲太子。

帝居洛陽仁壽宮病，廣逼其陳夫人。與楊素謀，

盡遣後宮出，俄帝崩。廣即位，矯詔殺故太子。

◎隋之滅亡

煬帝（名廣高祖二子弑父殺兄而立）

(甲) 苦役
虐民

詔楊素役丁二百萬人，營東京宮室。又起西苑，周二百里，窮極華麗，宮樹沼荷，凋落則剪綵爲之。

開通濟渠，引汴入泗達淮。開邗溝廣四十步，岸樹柳。自長安至江都，離宮四十餘所，造龍舟數萬艘，以爲遊幸。役丁死者過半。

歲詔諸蕃來朝，陳百戲，胡客入肆飲食不取值，以繒帛纏樹，僞詐誇耀。

帝荒淫無度，惡諫，惡聞言盜，言者必殺之。

(乙) 荒淫
殘暴

屢伐高麗無功，天下羣雄各起據地，稱王稱帝。時李淵爲太原留守，從子世民計，起兵順民心，謀帝業，攻據長安。

帝至江都，見天下亂，益荒酒色。引鏡照曰，好頭頸誰當斫之。後其下皆叛，帝爲宇文化及縊殺，隋亡。